

樂天却病詩

學海觀

卷九

天養館出版

# 樂天却病詩目錄

天養館叢書甲部之五

下邳劉仁航靈華吟

學海觀卷九 共四十首

南海康先生大同書頌及詩贊


自題東方大同學案

祝國風日報

散步四奇書

祝山東萬國道德會

學海觀卷九 目錄



255016

題張赤幟君，山西鄉賢傳

懷諸墨友詩

新太平洋

端午節國恥紀念日，率蘇魯軍職，渡江北上徐州，用比翼集韶斌

弔屈原韻

讀明慈大同學淺說

又讀其國學大綱

讀柏雷圖理想國，及斯多葛 Stoicism 人生哲學

記德國游鳥團 Wandervogel 及自由青年團 Freideutsche

Jugend

上海圖書館藏書



A541 212 0011 89248

讀達爾文種源論 *The origin of species. Darwin, 1809--82*

(英人)

記巴枯寧 *Bakunin, 1814—76* (俄人)

記馬克思 *Marx, 1818—1883* (猶太人)

觀美人化枯骨

讀哲學書有感

記英美電氣大炮

人生二覺路

人性非平等

各教無家庭真義，與惡少不知報恩之辨

克氏全教育論

何術可救世

不僅麵包問題

非無抵抗主義

廢書篇

仁學重一倫爲馬伯援題

書張景齋曾子社會主義

讀墨池男盜女娼書

送陸世益赴歐州

小說評

佛化互助決定力

贈航空友人劉振國

北京清河鎮登飛艇歌

送曹仲淵赴粵，辦無線電工廠，并聽其電話機  
機器可長生

英博士已得火星覆電

大同村福田院發願文

捨田宅爲觀音菴，開創邳縣大同村發願文

樂天却病詩

# 樂天却病詩

天養館叢書甲部之五

下邳劉仁航靈華吟

非有  
齋藏

## 學海觀卷九

南海康先生大同書頌及詩贊

世法滯形骸。厭俗淪頑空。大哉天人師。華嚴演大同。出入游自在。連環運不窮。科哲文藝美。政教財力充。精神資物質。內外澈圓融。家國階級苦。解脫鳥出籠。胎教變根器。誕育盡麟童。身心與情魂。交養頤豫豐。歡喜無貪嗔。性善耳目聰。現世登極樂。花國青白紅。列宿會羣仙。電機歷



蒼穹。著有電通及諸天各書、尙未出版、海王羅珍怪。百寶光熊熊。彌補孔佛憾。淨土關鴻

濛。生民未曾有。創製天無功。妙道生奇文。潮音振大雄。詩歌尤詭趣。哀  
豔玉玲瓏。美人芳草意。幽怨發忱衷。神變廣長舌。十方世界通。備陝諸  
天樂。博采萬國風。龍騰春雲展。雷震隱隆隆。鈍根驚眩仆。何止三日聾。  
猗歟嘆觀止。涉遍化樂宮。憶自一晝開。著作等沙蟲。大同書出世。燭火  
日正中。果然新文運。兩洋映彩虹。哲士紛來華。文化贊亞東。(英儒偉爾士 W. E. D. Bliss 言)  
將來主持世界者、必爲華語與英語之人民云、譯此布全球。天下盡爲公。

自題東方大同學案十五年陰春二月十五佛涅槃  
日于北京馮奉慶戰中出版

我不樂世間。諸天虛空難爲家。我不樂國界。乃生全球三分之一民衆。  
大中華。中華文化世界奇。四千餘年前有指南針。三千餘年前有飛車。

爾後三大發明何足怪。蒙古曾混一亞歐。非佛耶回儒道祇各教成一  
六出之天花。奈何百年以來西風競一任神號鬼哭殺人如亂麻。新舊  
思想交錯亂。仙佛無靈聖哲束手。英雄魔鬼空磨牙。考五千年文明史。  
三代以前，黃河產龍。楚漢以後，淮徐產蛇。長江佳人才子地。亂世人物  
少擲擊。輓近珠江通海潮。天國旂翻新女媧。戊戌變政文藝興。辛亥革  
命民權葩。民八學潮掀地起。從此青年思想簇朝霞。我生北地游江海。  
遍參英哲拜昌嘉。東西古今南北故。公平抽繹思無邪。綜覈新舊歸中  
道。人世無如大同好。楊肉墨爲骨。初祖溯孔老。莊腦屈宋魂。芬芳游蓬  
島。耶佛開天眼。靈妙無價寶。遠徵拍雷圖。希拉創化早。盧梭噴火劍。美  
法專制倒。馬克資本論。小康足探討。託氏工讀村。靈明啓蒼昊。克氏科

學精。羣性互相保。穆麗美藝術。濁世續仙藻。拜倫尼采狂。俠哲大氣浩。古今東西冶一鑪。取多用弘探驪珠。有水銀瀉地竅。海底鐵網取珊瑚。打碎邊見成圓化。美裘羣腋集百狐。馳電八荒招靈魂。千萬聖哲齊昭蘇。月滿中天七星曜。春回大地百花敷。龍宮賽會鬪衆寶。鳳鳴盛世河出圖。醒獅一吼踏大地。飛行世界登仙乎。

祝國風日報

爲景梅九先生所辦、景通西文、倡克翁互助學術、在北京與政府當局論無政主義、如此克氏學者、海內外甚

少見也、

風行諸天。成住壞空。風行大地。南北西東。風行萬國。天下爲公。大報出世。海曙雲紅。抒寫鴻詞。其光熊熊。揭發正義。寒雪孤松。痛陳疾苦。感泣罷癘。誅伐強暴。警覺羣聾。善演妙諦。獅吼大雄。廣徵歌謔。思婦勞工。化

除階級。闢啓鴻濛。四海一家。重譯郵通。「無治圓義」是謂大同。「無政府  
字、景之學說也、詳于該報之學匯世罕能通者、

### 散步四奇書

佛經深者、莫奧於法華、詩高者、莫奇于太白、余于日本旅居、飯後輒隨意亂翻法華數行、在山西古唐村以此法吟李詩、爾後通三藏義、衡百家詩、乃皆由此無意中得之、復以此法、玩莊子互助論焉、

我有四奇書。經史子集持。莊子互助論。法華太白詩。法華羣經王。秘海  
天人師。一語破三藏。生死了無疑。慈雲覆大千。天花萬點吹。幸得受人  
身。胡寧莫之知。老莊世間寶。解結勝利錐。皇帝王霸運。明朗如列眉。物  
質與生計。巨細論靡遺。字字經世法。卮言淡無奇。荒唐及厭世。肉眼貧  
可噴。所以歐人惑。新作非昔時。歐人疑莊子非古書、乃近人所作也、太白天上人。飄飄  
飛仙姿。移情娛神魂。可換凡骨肌。恍恍與之去。靈境遊瑤墀。雄才運元

氣咳唾吐宏詞。大刀橫闊斧。龍象千熊羆。遺澤洒人間。隨地發靈芝。  
「歐化」如鐵牆。捍格難平治。政教科哲學。糾紛纏亂絲。如鑽蝸牛角。路  
隘形神疲。鐵血何慘苦。人道淪鴟鴞。王子克魯金。生佛來何遲。滿精百  
科義。歸宿安那其。一拳碎黃鶴。遂奪鳳凰池。大哉互助論。生民未有斯。  
參透自然機。妙道合無爲。商工經濟理。統計擴鴻規。酷似老莊達。嚴密  
適今茲。嗟余財才弱。百城苦無涯。四部鍊精騎。歐亞藩可窺。每當散  
步際。遮眼聊自嬉。持觀「人間世」。青天雲霧披。有如探母珠。生生大小  
宜。用張新村化。報恩發大慈。慈悲願無盡。安息守靈龜。但互助論是英文本

祝山東萬國道德會

亞洲人文父母鄉。萬國生民之搖牀。崑崙脈走東海王。黃河奔會太平

洋。泰山巖巖峙震方。七十二代溯微茫。鄒魯禮樂流澤長。雅典美洲遙相望。萬國大道此光芒。聖賢仙佛會一堂。天人合應發文章。登高大招誥八荒。滌盪下土得清涼。彩雲五色錦繡腸。鈞韶雅韻奏宮商。麒麟率舞鸞鳳翔。日月粲爛揚華光。六種震動妙吉祥。天河洗甲咏霓裳。太和甘露醉瓊漿。衆生歡喜淚數行。富貴名利醒黃梁。同遊華胥樂無量。花開水流各相忘。投筆無言劉仁航。

題張赤幟君山西鄉賢傳

崑崙大地脊。磅礴起雍涼。蜿蜒東北走。恆嶽綿太行。黃河從天下。奔會太平洋。千里成一曲。孕育祖國光。黃帝華胥夢。數典羨金閭。聿越冀州域。揖讓開虞唐。龍門桐百尺。琴風動四方。美哉神禹功。富教致小康。五

霸重耳謫。衰周聊補瘡。此外奇節士。肩背代相望。介休弔綿山。孤冷拱首陽。角哀左伯桃。死友萬古芳。人倫郭林宗。軍神關雲長。程嬰與杵臼。忠義凜冰霜。董狐良史筆。馬遷雄文章。鉅覽與豫讓。任俠天骨張。子夏教西河。禮樂振人綱。王通化河汾。隋唐運一匡。君實多厚重。摩詰富縹緗。薛瑄清風勁。傅山苦節香。摩挲伏牛跡。太昊事渺茫。淖約姑射嶺。神人垂霓裳。河中訪洞賓。仙侶奏鳳簧。五臺禮文殊。佛母大道場。下觀衡王霸。上溯規帝皇。忠義節烈地。聖賢仙佛鄉。靈臬產傑俊。一一難具詳。爾來喪亂瘼。四國盡創傷。山西稱桃源。彬彬文運昌。覽此鄉賢傳。使我神彩揚。崑崙眺東海。山風正泱泱。億萬聖哲魂。有作耀光芒。靈爽入夢寐。式憑羹與牆。後生如晉泉。混混始濫觴。開遍大同花。華胥花無量。

懷諸墨友詩時居古唐村、北風忽起、與思友人、

大道淪已久。槭棘變梧櫟。沿沿鄉愿化。麻木而聾啞。羣豪乘願作。墨風盈天下。吾友多墨徒。樸毅喬且野。金陵友張繹墨。堅剛勵頽惰。上海友墨池。張苦行殊過我。北京識施今墨。雄辯若觀火。遊晉得墨卿。太行山磊砢。閒居古唐村。抗懷出虞夏。風起思良朋。卓犖真健者。我昔讀仁學。深念頂踵捨。比發菩提心。金剛談般若。同樂闢新村。兼愛興墨社。聖賢列仙佛。大同一鑪冶。機器抗暴兵。美生啓廣廈。世界成飛行。羣仙何嫺雅。霹靂開天門。大千甘露洒。

### 新太平洋

國際公報載英名史家偉而士 Wells 謂將來解決全世界問題



題者必爲操華語及英語人民。按偉氏新著世界史綱主中美聯成合衆國。余謂可由此造新太平洋也。因述吾國四派學說文化以勉吾國民。詳見拙著東方大同學案中（已出版）

中國文明古。學統四派張。撥亂分王霸。邳治頌帝皇。富強任法術。雜霸

卑管商。孟荀述王道。禮樂致小康。井田學校興。老幼無殍殤。（今俄用馬克司學行勞

工專制、亦僅小康耳）孔墨述堯舜。揖讓帝德昌。去兵尙仁義。畫象廢刑章。惜哉

墨教衰。僞孔真墨賤。老聃百家祖。皇化遊混茫。淡泊率真性。無礙各相

忘。正傳兩大系。虛實表特長。莊子遊玄溟。鳥觀天一方。楊朱尙樂生。余

楊子大同學、其學甚似歐化、不類東方玄學、遙接希臘芳。均伸大同義。新化通津梁。耶述埃田

園。佛言俱廬鄉。男女妙樂具。自由似天堂。近世科學盛。人道日光芒。盧

梭威爾遜。克魯運當王。羅素託士泰。廢兵運動忙。穆麗太戈爾。美藝開  
玄黃。曠觀亞歐運。同文大可望。華民四億餘。允當全歐強。精神物質備。  
更新太平洋。中美印合衆。兵銷日月光。村市新雅典。詩文古漢唐。黃白  
通婚媾。優種美善良。世界成花國。天樂奏琳琅。

端午節國恥紀念日，率蘇魯軍職，渡江北上徐州，用比翼集詔斌

弔屈原韻

十六年夏、此爲余學  
佛後大變相故記之

華嚴法界示降魔。百萬人天奈若何？遍吉金剛乘白象。木蘭兒女借明  
駝。炎炎空火裂天網。對對羣仙舞大羅。會到龍華諸苦盡。文殊仗劍莫  
蹉跎。

讀明慈新大同學淺說

因余原書太深博故  
演爲白話以便普友

韶關舟裏讀君傳。幼喜鮮花至性情。今我虔呈靈瑞子。封君坐擁萬花城。

又讀其國學大綱

舟中細讀明慈作。甚感漢文見賈生。始愧積年教主習。賴君憐我欠聰明。

讀君道術傳。令我慕神仙。養虎守杏林。駕鶴升青天。幾見蓬萊淺。吹笛弄嬋娟。其人今安在。丹訣孰與傳。慕觀雄匪氛。慘黯血山川。且興與坤化。萬戶慰啼鵑。強暴誅伐盡。市村花果鮮。與君共攜手。白雲訪偃佺。

讀拍雷圖理想國及斯多葛 Stoicism 人生哲學

柏述師蘇克雷地哲學、而應用於理想

國之大同世、蘇氏常言古代哲學乃在天上、至蘇氏乃引至地面、善哉其從人生觀上直覺也、多學不如直覺諒哉

吾生非無限。徇物豈有涯？持管窺諸天。可憐井底蛙。八星列虛空。何殊大海蝸？况復蝸角民。紛紛訟齊諧。夸父狂追日。疲死空遺骸。「怖頭緣底事。」逐影真堪哀。偉哉蘇克地。自覺靈慧開。頓悟人生觀。樂國建春臺。佳興隨四時。花落難再來。斯多重人文。自然天恢恢。無勞思遠者。役役鬢毛摧。

記德國遊鳥團 Wandervogel 及自由青年團

Freidtsche Jugend 十年十月一日申報略言，半世紀來，德國物質盛行。喪失精神生活。遂有一派青年。欲返于自然。逃物質之桎。成立此團。多有富貴男女。相攜逃出社會。大率衣履極儉樸。男女行動極自由。遊翔如鳥。故名遊鳥團。甚崇拜吾國老

莊爲彼無二大師。一般人士無一不知老子者。士女虔誦道德經。過于吾人。謂爲最新之潮流。將來勢力日趨雄大云。

百年食頃夢。萬物井一蛙。倮蟲緣大塊。羣蟻渡枯柴。奈何物質墓。生將活人埋。擾擾興妄慮。名相强安排。伏尸百萬功。何異左角蝸。但見人殺人。未聞豺食豺。仰頭見青天。鳥鳴正啾啾。達哉遊鳥團。高步追葛懷。德國今覺悟。鐵血大運乖。願脫物質桎。逍遙外形骸。多有富貴子。相將嘗冷齋。佯狂逃社會。登山涉水涯。生活如鳥度。攜手欣朋儕。青年師老莊。士女誦齊諧。阮孚幾兩屐。達摩一隻鞋。長挹淡泊風。一掃血腥霾。「亞化」將西漸。補天頌女媧。

讀達爾文種源論 The origin of species. Darwin 1809—82

英人

猛風起印度。吹鳥渡西洋。一日三千里。隨風任飄揚。爪帶泥粒去。嚙吞果核藏。經年復萌生。移植天一方。悠悠塵寰內。因緣何渺茫？微物乘鳥桴。人託飛艇翔。大千一倮蟲。何異虱處羊。不如遺生死。自在以徜徉。

記巴枯寧 Bakunin 1814—76 俄人

哲人巴枯寧。「去入人民中。」貴族諸男女。折節習勞工。伐木身織履。破衣首飛蓬。宣傳人道義。乃與貧民通。政府肆偵察。緹騎飛青驄。逮捕千百人。流逐荒海東。畢竟俄國化。赤色關鴻濛。真理信不死。創造之英雄。

記馬克司 Marx, 1818—1883 猶太人

偉哉馬克司。流亡四十年。鐵掌造世界。通夜常不眠。精析羸餘論。計學

湧新泉。工人無國家。大同開其先。同情無產侶。人道真可憐。爾來俄國化。聲勢震九天。當初工人會。只釀三磅錢。咄哉猶太族。遺教多英賢。西拉爾與馬克司均猶太人、

觀美人化枯骨

廣州漢口日本均有之、云用X字光線于暗室中、衣服面貌極清楚、人不動、漸成一燭體、俄又復原狀、僅一角看一次、

甚有益於學術、

美人化枯骨。枯骨爲美人。四大當下空。未死已成塵。令人毛髮悚。生與蠲體親。觀容或奔遁。花貌現鬼身。禪門枯骨觀。對治化貪嗔。何如科學化。直觀妙若神。哀哉肉眼衆。執妄認爲真。對此促警覺。科學轉法輪。觀彼旣如此。知我亦同倫。

讀哲學書有感

諸佛無言說。大道任自然。無言超虛空。自然出先天。無言非迷覺。自然成散仙。仙佛兩無礙。逍遙遊無邊。巨耐小慧人。舍魚但爭筌。無端立名相。遂生是非詮。一畫鑿渾沌。鬼神淚如泉。強記死人語。自負述聖賢。白紙畫墨紋。共參沒頭禪。分杪量虛空。微管測坤乾。估計地球壽。推算行星纏。黠者矯帝詔。役鬼竊神權。假名互詆譏。如奴數主錢。羣兒鬪奇寶。雙手握破甌。一字喪邦家。森嚴若神鞭。哀哉人生世。何異隴底蟻。微蟻旋大磨。洪濤捲壞船。無常死不悟。妄計生可憐。兵刑政教毒。萬蛇鬚蔓延。學戰禍尤烈。人命山海填。有如見鬼人。白晝自倒顛。頑童惡作劇。逆風從火烟。昏夜諸醉魔。相抱揮老拳。萬卷蹄迹。戕人成枯椽。頭痛目短視。肺病手足胼。口角夜啼血。哀哀誦杜鵑。我今憐汝曹。盍觀空中鳶。



生來未識丁。何取何舍旃。飛雁早失學。排雲字畫妍。鶯燕無樂師。天籟音韻圓。驪貓鼻誦經。睛隨子午旋。魚無泗水科。活潑戲清漣。蚯蚓食膏壤。笛唱脆復鮮。我愧說是非。枉自口流涎。且休鑽故紙。投筆聽鳴蟬。

記英美電氣大砲

十二年申報所載

美國安迪生。Edison電學家、電化新發明。利用電汽在空中化合、擬飛艇三十。二十至四十架散布

英倫城。儘三小時內。人畜都犧牲。戶口七百萬。俄焉一掃平。英國太姆

伯。Temple與美許慶生。Hutchinson合製五噸炮。其彈重五噸、彈射千里程。行可

三百英哩、凡此慘殺機。聞之肝膽驚。人道殘同類。遠遜鳥獸情。千古聖哲佛。

慈悲竟無成。撫心深懺悔。愧聞鳥嚶嚶。

人生二覺路

此首內含七種要件、故系以數目、便查究也、

人生二覺路。內觀與外游。內觀見性靈。月湧大江流。一外游玩花鳥。世界一蜉蝣。二俯仰宇宙寬。人我各休休。身心有着處。乘風泛虛舟。更用汽電力。生活富以優。三工作習勞動。形強筋力適。四分業精組織。配合簡易周。五美藝化人性。士女善且柔。六歌舞式謙喜。蝶夢不知愁。七是謂大同世。佛說俱盧洲。

注意諺云：福至心靈。卽以世法論。亦必有一部分之慧。乃可享世間福報。而要在人能反觀。改造貪嗔癡性爲善柔和祥。方能達到新文化之目的。此非用佛化互助不可。否則人性不澈底改造。如洗炭然。愈洗愈黑。終無益也。此首一爲精神。二爲生物學。三科學。四勞工衛生。五政法經濟之分配。六美學。七圓滿解脫也。

人性非平等

此可參觀中山先生之平頭平脚論、

盧梭與耶穌極端倡平等。革命張人權。救世摩頂踵。莊子克魯金。鳥眼論肯綮。我入法華觀。十方諸天靜。孤月一輪明。却現萬類影。水性雖無二。味分江海井。春來千樹花。色香甲乙丙。同異異同微。要須細參領。人量遠相越。半學半天乘。身體強與弱。性情寬或猛。男女智德殊。職業及環境。教學習俗變。差別難齊整。剛柔疾徐法。濟時聊一逞。世運有進退。節序異熱冷。衆不可戶說。離騷語此言耐思永。人德遜鳥獸。何年能反省。深恩都不報。况期偕匠郢。當通五洲婚。新誕優生種。大同人性善。樂園芝草茸。

各教無家庭之真義，與惡少不知報恩之辨。

耶穌在道場。不別母與姊。淨飯大王、佛之父。聽佛法。與衆同拜跪。親能賦我生。師乃度我死。耶佛均報恩。却無形骸累。耶穌死、託母于其徒、佛親視父病葬也。墨爲天下謀。奮勇稱孝子。墨子自言仁人爲天下謀、如孝子爲其父謀。孔演大同法。亦只男女耳。禮薄禍亂首。禹後小廢起。新化廢家庭。亦合諸教旨。此乃公孝法。同仁平等視。真孔佛耶墨。太上忘彼此。慈祥篤惠愛。四海一家美。何意惡少年。忘恩遜犬豕。差毫謬千萬。諄諄今誨爾。

克氏完全教育論 見 Factory, Field, and Workshop 工場田莊、第一章、用完全教育、Integrated Education  
論腦手工 Brain work and manual work 之調和、在

神聖今駕狗。勞工又神聖。鬪智成騙賭。尙力尤專橫。凌弱已知非。暴寡豈其正。少數武斷咎。多數盲從競。大哉全教育。克救階級病。化減智力

差。鑄新合羣性。腦工手工調。互助臻究竟。

何術可救世

小人謀衣食。所憂在飢寒。君子志救世。憂在天下安。聖哲諸仙佛。爲此竭肺肝。殺身可救世。吾願腦髓剋。出家可救世。吾願作蛇盤。辟穀可救世。經七吾絕餐。兵力可救世。吾曾戴武弁。文字可救世。吾亦著述繁。鬼神可救世。吾亦好澶漫。悲觀可救世。吾亦涕洟瀾。樂觀可救世。歌詩學鳳鸞。權位可救世。吾亦佐剛乾。平等可救世。吾夙入佛觀。布施可救世。吾亦家財殫。觀遍救世術。借箸真大艱。譬如調衆藥。配置分量難。五色備赤白。五味備甘酸。內外精粗具。條理千萬端。奈何一孔士。頭腦太簡單。寒熱溫涼病。萬應一粒丹。我願長跪請。男女士民官。何術可救世？試

與舉來看。

不僅麵包問題

此語記似在克氏書中、蓋不能用一單簡思想、武斷人性全體、而不承認經濟萬能也、在哲學上明爭亂由于虛榮之權

欲、非爭生存、乃爭虛榮耳、知馬氏學之缺點也、Not strangle for existence but for power

經濟萬能論。人生在麵包。我言不止此。問題正混殺。耶回爭上帝。殺千萬同胞。釐桓沃蔡國。乃因盪舟媯。姬且戮兄弟。豈爲缺酒肴。宰戰齊幾亡。起於女口嘲。三士二桃死。齊楚爭包茅。報仇激子胥。下第憤黃巢。多少皇帝頭。白替兒孫拋。觀破衆生性。權欲勝飯鈔。希拉裴立克。民權輪流交。(Pericles 443—413 B. C. 在希拉執政、爲雅典文化全盛時代、過于吾之周公、當其盛時、市民有公權者、有二萬人輪習政事) 戲園博物館。大舖同一牢。(發行公票會食一堂及游歷各處) 三皇真尙矣。無治號有巢。虛榮萬病根。陽燄衆狗吠。要須楊枝水。掃蕩龍虎咆。達觀與鳥游。莫爭牛尾犛。

非無抵抗主義

近人反對宗教者、謂其倡個人消極道德太過、徒使良儒者不能伸正義、致強暴者無忌憚、蓋社會貴持平方爲正鵠耳

老莊慕上世。渾噩出先天。一從黠慧生。智德判愚賢。霸主鷲力征。興亡各忽焉。聖哲弘悲化。枉自身命捐。太剛侵人性。太柔利鷹鷂。或有性怯懦。甘自棄公權。或有性強暴。兇狠無哀憐。或不知報恩。貪戾永弗悛。人性各殊異。一言難俱宣。批左承右頰。達士亦偶然。社會伸正義。施報直如絃。託翁無抵抗。此論未是圓。魚與人無爭。何罪下油煎。牛勤且知足。難免割烹鮮。羅馬屠猶太。遺恨啼杜鵑。耶穌矢博愛。磔刑受棘鞭。荆軻誅暴秦。雖敗有餘妍。偉哉拜倫 Byron 傑。仗義希拉前。我願作春風。吹開百花顏。亦願作大俠。鋤害化梗頑。扶弱抑強梁。天理自好還。持平張人道。折中剛柔間。

無抵抗主義

non-resistance

廢書篇 讀西洋哲  
學史有感

我自禮空王。一言萬法了。無礙大自在。逍遙翔八表。出入萬生死。大千一何小。有時習坐忘。繕生學莊老。空明觀妙竅。金剛天風掃。却來玩物化。一花與寸草。重重華嚴樓。界界含妙道。直覺遊自然。泊兮少煩惱。頗讀哲學書。名相苦顛倒。衆盲捫大象。窮袴鬪跳蚤。惟心弄精神。惟物守絕島。倍根重實驗。事事須稽考。子生離母胎。安能認襁褓？狄克好懷疑。遇事存疑抱。人不自見眼。此亦費論討。我思我方在。枉使心燥燥。布拉諾火焚。法盧梭立槁。戈白尼窺天。天路彌浩浩。達爾文原人。人道日益夭。新舊兩教爭。齊贊上帝好。同胞五千萬。伏尸塗肝腦。往年醉軍國。鐵血反天造。忽揭人道幟。屠人沈珠寶。翻觀亞化拙。殊勝歐洲巧。何異弄



蛇丐耳鼻空自擾。我羨印度化。月出美人佞。解脫妙自然。精修契參昂。九十六外道。一一得鱗爪。何論大覺圓。朝霞日出卯。哀哉諸蠹魚。故紙鑽不飽。會當付羸政。一火解紛擾。

仁學重一倫，爲馬伯援題

馬耶教徒帶一冊本，遇友人則請其題數語，在鈕惕生座余爲題此。

我學拍雷圖。「愛爲智靈泉。」既參大愛佛。逍遙友列仙。夢中感基督。俠愛碧血鮮。馬君弘愛教。四海兄弟聯。一見如平生。春風何靄然。仁學重一倫。父母不與焉。佛耶老均師友一倫譚復生仁學主之明慈爲我願推廣之。同志卽一體。化身百萬千。勉結萬同體。創開大洞天。

書張景齋曾子社會主義

我自交張兄。黽勉勵實行。曾子社會義。庸言使我驚。一日三省身。却無

家國情。第一忠人類。四海皆弟兄。第二不妄語。直心信友朋。第三傳師道。實習戒虛聲。可託六尺孤。可守百里城。凜凜立大節。誓死毅力弘。甚似「六祖禪」。大勇霹靂轟。同調惟顏子。恂恂犯不爭。又如子房俠。面貌女嬰甯。張兄老益篤。骨奇冰雪清。愛我及我友。照料婦與嬰。愧我鷺高遠。空作天鶴鳴。今後當「守約」。哲俠抵圓成。

讀墨池男盜女娼書

該書用託氏方法

妓女先升上帝國。盜跖仁義備諸端。耶穌莊子若非妄。男盜女娼勝坐官。

送陸世益赴歐洲

陸君同居太原。每偕游和詩爲樂。頃將赴歐。爲詩以誌離別之

感。

與君結連牆。忽忽易居諸。一朝辭我去。觀海釣鰲魚。君稟豪傑姿。仗劍  
出征車。我窺壺中天。騁志在玄虛。虛實雖殊趣。動靜等一如。我家圯橋  
上。夙讀黃石書。摩挲楚漢跡。流涕弔遺墟。中年參玄化。遂與浮世疏。試  
觀蟲緣塊。何異櫛繫驢？寄懷方以外。存神物之初。太空運八星。元氣恬  
且舒。旋轉新世界。乾坤皆吾廬。壯哉萬里游。去去莫趨趨。十洲多妙藥。  
拳攬應滿祛。草嘗百味遍。艾廣三年儲。倘逢大醫王。國病即可除。相期  
東籬下。戴月訪長沮。

小說評

文化及平民。莫如小說好。聊齋誌因果。說鬼解煩惱。三國別賢奸。快文

足傾倒。列國富子史。古蹟多可考。封神演理想。空中戰爭早。西遊荒唐言。頗含仙佛道。歷盡千萬苦。終得妙法寶。降魔仗佛力。寓意非草草。千折莫退轉。秘訣在默禱。普通說官話。儒林外史稿。打破科舉迷。人生別懷抱。裁縫能吟詩。平民好頭腦。水滸筆粗豪。暴民生活表。官匪土匪狀。兇殺寫了了。草莽英雄膽。破壞力不小。餘諸俠義作。遜其龍天矯。紅樓大文章。俗語善白描。人情物理熟。佛老詩境超。傳情何工緻。說部真天驕。近日本東京中國學生投票選所讀書最占多數者、爲紅樓夢、蓋勢力優於史公矣。因果盛衰感。結構費琢雕。禪機悟無常。落花流水漂。理想鏡花緣。壯觀滄海濤。曾讀四庫書。博物騁文豪。女權君子國。破迷雄辨滔。嶺南有逸史。珠江振鳳毛。頗足興坤化。仙風駕六鰲。古人著一書。形神半生勞。看易做得難。麻姑癢處搔。節取無

圓滿。進步在時髦。此後平民化。中秋月輪高。推陳製新機。操觚慎吾曹。

佛化互助決定力

述改造世界能力之決定律也、又名文殊師利工巧智法門、此首以佛法革心爲體、互助進化科學爲用、根本解

決世出世法、一毫無疑、乃余悟後所記、願讀者於二者究心焉、

初民沈蒙昧。鬼怪誑小兒。大覺啓文運。萬化入玄規。二五得一十。真實

不吾欺。胎種改動植。優劣可預期。剖腹換肝腸。死馬得活醫。定神變人

格。心性潛轉移。(Hypnotism 可定人精神、用暗示而變人身心病癖也、)物理日發明。汽電任驅馳。飛

空倒山海。世界創新奇。本能改環境。(Lamarck 學派)反天在人爲。斯賓塞克

魯。進化吼雄獅。定律造社會。譬制渾天儀。近世科學大明、移其科學方法、以改造社會、可按定理推知將來、乃

必能之事也、如王水溶金。剛砂割玻璃。夢謎總解決。(互助論序云、Mary an enigma would be solved)

若奮博浪椎。我自禮文殊。一劍了無疑。心作諸煩惱。心還能破之。樓閣

造化城。無住足娛嬉。大雲覆世界。草木雨露滋。五十三參畢。工巧神通

持。聞說江南哀。

時江浙開戰、有感而作、

菩薩空低眉。

江浙爲佛教中心而無救、可證明舊佛教乃鬼神教、毫無濟人世、非

根本改造不可、

沈沈強權痛。人道遜梟鷗。凝慮入微茫。觀月感靈思。大事今斷

定。能率天地垂。心力物力數。智者操券知。精神物質備。快刀斬亂絲。世出世間法。明朗如列眉。爾曹慎勿惑。渡海隨船師。勇闢新大陸。弘願誓此詞。

### 贈航空友人劉振國

與君初相識。弱冠在金陵。我意常蕭然。儒冠戴髮僧。君負豪傑氣。航空學御風。每羨仙俠侶。振翼萬里騰。眄懷時渺渺。白日竟飛升。忽得雁字書。欣然喜不勝。君猶在人間。雲海歷幾層。別君十餘年。妙契王右丞。虛

舟泛浮世。不滅亦不增。雖乏六月息。逍遙化大鵬。却酣蝴蝶夢。出入神氣凝。人生如過鳥。夜遊應秉燈。將興新村化。華胥春臺登。長吟謫仙詩。飄飄白雲凌。終當躡虛去。諸天晤良朋。

北京清河鎮登飛艇歌

同明慈詔斌諸人

君不見秦皇漢武求神仙。龍髯斷去幾多年。又不見令威學道千載始化鶴。故鄉返弔空城郭。豈如我今一朝不翼飛。立地成佛遊碧落。西望瑤池禮王母。東接蓬萊參赤脚。耳邊但聞列子風。袖裏可竊嫦娥藥。逍遙直欲傲大鵬。俯視那還見燕雀。云何肉身能升天。乃是科學神通關。靈鑰潛航既驚海王夢。飛艇大鬧天宮廓。真有凡人成神仙。廣寒洞府不寂寞。從此飛行編新紀。乘風馭電觀龍躍。萬年理想今實現。堪歎古

人空摸索！雞鳴犬吠白雲間。天上地下恣剽掠。咄哉科學真萬能！空中  
華嚴現樓閣。

借問飛艇孰創造？甘必大與徐伯林。Count Zeppelin, 1838 甘氏初創  
輕汽球。巴黎出圍如翔禽。伯林在德置汽囊。旅客數十力可任。能置機  
關鎗十架。地上聯絡通電音。一日夜間飛不停。繞遍全球陸海深。可惜  
殺業冲霄漢。往往鬼哭聞天陰。安得孔雀明王見。永斷炮聲鳴韶琴。世  
界飛航合男女。天仙比翼相追尋。歡喜佛出鳳凰來。吉祥大地成黃金。

送曹仲淵赴粵辦無線電工廠，并聽其電話機

浙人，著有無線電常識等書，且知佛學。

仲淵美少年。卜鄰守美里。精研無線電。長日期飛耳。一別倏六年。猛進  
堪驚喜。既著開洛績。上海開洛公司電機由其主辦復營廣州市。此次奉國民政府命創設繼長而增高。



鑿地通天技。示我電機匣。值千二百元環瀛成密邇。日本與南洋。歐陸均尺

咫。歌笑對面聽。唯唯而否否。我誦妙法經。「人天互瞻視。交接得相見。」

佛土妙無比。得君乃證知。因果不滅理。一念諸天動。真空力無已。盡物

盡人性。譬歎帝鑿此。延我說大同。貫通萬教旨。忽化廣長舌。聲振五洋

水。維摩丈室中。諸天在席几。佛土今實現。普度劫生死。凡夫行佛事。衆

生真佛子。

君言無線學。自馬克尼氏。Marconi。至今廿餘年。進行甫開始。杪餘

一抄又四之一。通月球。舟車可指使。將來更難量。諸天形神視。君言無線電今已

惟尙不能表神耳。將來定可形神俱現。瑤池宴列仙。萬里順風耳。天女互通婚。大千皆姊妹。

回視蝸角爭。蠻觸真可鄙。應新世界語。人間天上徙。我答誠不虛。如是

復如是。今代進化速。萬倍古難擬。速開大同天。苦脫家國痔。勉旃大精進。好作諸天使。

### 機器可長生

天津至保定。路幾五百里。黎明登汽車。過午卽到矣。真如費長房。縮地在尺咫。快汽車速度。一點百餘里。今人百年壽。勝古千歲死。機器可長生。此言洵至理。津保各郡縣。數百車接軌。交通日便利。民智將大起。惟恨雄匪劫。滿目盡創痍。安得籲摩耶。多降生佛子。

### 英博士已得火星覆電

一九二七年一月九日各報載

我新大同學。其中分六綱。預言各星球。男女通婚航。新年倫敦信。電來火星方。與英士魯濱。爲友一女娘。名速門魯魯。管彼電臺房。魯濱所去。

電。三阿母字洋。据女覆電言。文化不相當。火星文明高。科學早發揚。人高七八尺。杏眼似東方。大耳而黑髮。汽車速力強。一千年以前。飛機已翱翔。滿天盡飛艇。電力出河江。世界正無量。大千將一堂。彼土重用女。可知坤化強。速罷地球戰。女治掌中央。廢兵興科學。多開電艇場。選擇優男女。彼土配鴛鴦。普開神女會。優種誕天王。

一九二六年十一月申報載倫敦電訊云。魯濱博士宣稱與火星通電。並非新奇。彼有一女友名烏滿魯了。在火星曾接得伊之電報。對於火星所發生事項。時時給以報告。近時魯氏曾向火星發去一電。電銜爲三個愛木字母。交中央無線電局拍發。據魯氏云。已得覆電。稱其火星中女友。係爲一最大無線電臺經理之友。覆電稱魯之去

電係用英文字。兼其電銜爲一個 m 愛木字母。不足引起火星科學家之注意。據魯氏所述。火星入約高七八尺。大耳黑髮杏眼。頗似東方民族。不僅吸烟飲茶。且有摩托車。車跳躍地上。宛轉若飛。風愈大。摩托車開駛愈速。至火星飛機之發明。約早于地球一千年之前。飛艇奇多。皆以電力駕駛。電力皆來自江河瀑布。火星上人之使用無線電。遠在馬可尼出世之前。魯濱先時爲倫敦著名之辯護士。後究電學云。

### 大同村福田院發願文

聞弟升瀛談族人  
死亡、感而發願、

我自離鄉井。於茲十一年。慈親既下世。戚族多棄捐。共弟一夕話。惻愴殊可憐。南院祖母逝。北院祖母仙。二叔及五叔。淹忽長睡眠。科叔及改

叔。相繼入黃泉。二嬸同時亡。大嬸無寸田。謙叔良愛我。曾助遊學錢。今已隨物化。無子誰繼賢。治叔亡無處。嬸母依我全。北院叔祖存。老境似枯禪。南院漸凋落。或貧不能饘。西場叔祖母。老獨無人焉。城西表舅母。少時恩誼聯。近來久老盲。存亡無人傳。表妹出嫁後。其夫亡在先。二舅渭陽情。我家執教鞭。母亡舅復逝。諸子俱迍邐。韓姨亦長往。杜姑貧屢遷。諸姑及姊妹。窮通難具宣。回首真大夢。歷歷在目前。

善哉吾弟言。如是汝應知。先父初亡時。我幼弟嬰兒。梅妹尚未生。家貧每苦飢。我助母力田。汝常號泣隨。推車乍翻壑。刈豆久成胝。覆斗伴夜讀。掃葉供晨炊。母言父遺志。餓死守書帷。壯年事四方。茅舍更門楣。其時新年節。大雪朔風吹。負笈遂遠遊。膝下暫別離。倚閭期歸來。承歡補

烏私。行行辭伯叔。行行過宗祠。五里失坊村。一日出下邳。湯湯沂泗水。天涯任所之。

一歲居姑蘇。一歲居春申。五歲白門遊。飽觀金陵春。小住大彭墟。講學教國民。南移楚漢風。北問鄒魯津。母時來寧徐。差足慰天倫。九宇騰煙霧。中州歷劫塵。君子楚囚脫。國士蜀碧新。關地走東海。桃源遠帝秦。一夕噩夢驚。遂爲無母人。家國身世感。昊天何不仁。

忡忡方寸亂。黯黯顏色焦。切切謳商聲。淒淒吟楚謠。惻惻念蓼莪。哀哀誦大招。昊天何不仁。上帝乃爾驕。念自殺解脫。瞬間亦逍遙。人言妾婦行。溝瀆太無聊。又念爲僧道。入山絕塵囂。人言此僂民。寄食避征徭。縈縈心萬轉。默默慮千條。家國身世痛。余唯音曉曉。

自惟中人資。下愚尙非是。我今難解脫。人復何望矣。我苦猶可耐。衆生真苦死。願探脫苦藥。探險從我始。扶桑古瀛洲。幻化多術士。習靜心漸轉。參禪味足喜。初玩我即幻。頗覺人如豕。人生改舊觀。心靈含新蕊。茂雅拍拉圖。英國陶姆茂雅著有極樂鄉、拍拉圖有理想國、其書皆與孔子大同學相出入。太平啓嚆矢。二宮託斯太。日本二宮尊德以佛教爲基、所辦報德農會、已一千餘村矣、俄國託爾士太以伯爵百萬之富、爲鄰負薪、其人道主義、誠今世界明星也。力耕呵澆詭。經國在一塵。人道重十指。却悟老莊畫。日本有老莊畫一書極佳。神遊皇學旨。世閒法有皇帝王霸四級、管商行霸、荀孟明王、孔子述帝、老莊宗皇、皇以上爲佛、霸以下夷狄禽道也。馳騁聲色味。伐性自傷毀。糝糠唐與虞。遑論歐及美。更遇伯華師。大乘演妙理。一修心地觀。文殊示知止。知身是無常。頽崖日傾圮。知身非可愛。終飽墓中蠹。知身垢不淨。八萬蟲舐膵。知身最穢惡。屎溺與漏痔。知身是苦本。寒熱共病痞。知身

乃幻泡。浮生飛如矢。知身不堅牢。烈風摧敗紙。知身皆夢化。一切無怙恃。知身投胎成。業報最可恥。塵劫六道中。無窮認考妣。盲龜值浮木。人身真偶爾。

又得妙蓮華。了義妙無比。凡夫行佛事。神力難議擬。一念卽受記。祕義誰敢訾。大悲卽佛心。檀度捨腦髓。度無相衆生。忍罵詈榜捶。弘法護世間。淨土在咫尺。自除貪瞋癡。無怨親彼此。廣報父母恩。徧洒甘露水。是名菩薩道。是名真佛子。是已成菩提。是人佛所使。佛肩所荷擔。佛口親囑累。何況天龍衆。香花共瞻視。從此大解脫。遊戲三界裏。如是弟應知。妄見起死生。業報入輪迴。投胎發哭聲。夙世因緣故。作父母弟兄。妻子及六親。恩愛由此成。或壽夭賢愚。或貧賤枯榮。或美好壯



倏。或醜惡聾盲，皆由身前業。薰習逐世更。我我所享受。我我所經營。譬  
種豆得豆。如插秔穫秔。非必關天帝。非必神使令。今生此面貌。今生此  
姓名。今生此宗戚。今生此舅甥。前生亦有之。舊夢記難清。來生復如是。  
展轉汝勿驚。非但爲人類。亦可爲狸狔。畢達希臘哲人、曾自知。化鳥聲嚶嚶。  
牛哀猛虎走。蜀主杜宇鳴。非但信古書。聞見論據精。現世猶多有。丈夫  
化嫫媪。不見安南魂。來作山東嬰。東吏照其像。審檢筆所評。不見蘄州  
丐。前世爲豕牲。又世爲秀才。梅師語無輕。睢寧友夏君。佃戶耿老氓。忽  
蠻語皖人歎。隴不知耕。閩人徐班侯。覆舟溺滄瀛。魂現攝其影。存館像  
晶瑩。邑紳焦子和。老友時之英。記前爲貧嫠。家住黃河營。可悟女轉男。  
節操勵廉貞。蘇州應巡檢。少本女緹縈。吾族祖劉啓。記爲沐陽丁。吾徒

潘子洛。粵商甚樸誠。無師幼讀書。懷舊常目瞠。北鄉王氏女。隔世念夫情。皖父投女胎。佯啞心不平。凡此皆近事。一一足權衡。觀人既了了。自知應明明。

吾曾爲國王。驕侈居上宮。遍受五欲樂。眷屬多公卿。亦曾爲將軍。生殺百萬兵。亦曾爲妓女。見客歡喜迎。

王介甫詩云、我曾爲女人、歡喜見男子、

亦墮牛馬胎。維繫

受笞榜。六親共牢櫪。同時付割烹。九族入盤飧。供人一夕醒。曾受天宮樂。仙女吹鳳笙。曾淪阿鼻獄。劍樹與火坑。前劫已無量。來劫不可爭。除遊莊嚴土。堅守涅槃城。

哀哉不慧夫。肉眼無神通。妄執人與我。弗悟色卽空。名利生死競。怨毒日夜攻。仰天唾雲霧。迎風縱祝融。那知因果率。恢恢任化工。誰能逃無

常。轉瞬白頭翁。回憶半生事。都付大江東。一旦朝露至。識種逐業風。下沈水火獄。上乃化沙蟲。輾轉苦海內。遺恨真無窮。

更有淺根輩。如蛇入竹筒。獨覺矜小慧。慈悲失大雄。舉杯論溟海。坐井觀蒼穹。譬如爰居鳥。聞樂兩耳聾。又如策蹇驢。謂可大河馮。譬如頑石侶。雜列亂木叢。有無皆妄語。鳥自喜金籠。斷滅墮邪見。安望真道隆。新苦繼舊苦。腥血大地紅。

善哉如弟言。十年夢一場。弟妹各長大。我鬢已含霜。眷屬多下世。悟我亦無常。十年已如幻。那堪百年長。百年同幻化。古今等滄桑。汝更細思維。十年又何嘗。五年三年內。月日有天殤。刻刻形貌改。息息髮膚強。有如少水魚。宛轉最堪傷。入此三三空。觀頓使人我忘。念念本真空。無時

亦無方。不受造化拘。靈珠耀慧光。無諍稱降魔。無欲自金剛。不論何教何宗凡無諍而

自自性者、卽眞通佛覺法、否皆魔法也、

國土隨心造。煩熱得清涼。貪欲苦痛母。布施功德王。

爭名餅畫地。積財蛇滿箱。富損子孫慧。漢疏廣曰、子孫賢而多財、則損其志貧盜轉相戕。善

戰實不仁。談玄自速亡。錢驢亦以苦。乞丐寧云良。家國身世法。一一慮

周詳。男女少壯老。工食日相償。大悲施福田。井里有積倉。模範桃源村。

州邑居相望。天下行十善。世界金色黃。圓成彌勒願。法寶掃槍櫬。彌勒佛須

至天下人行十善時降生大地皆成黃金人壽八萬歲龍華三會度衆生無量有彌勒下生經叢叢荆棘道。蓮花發妙香。沈沈魑

魅窟。仙子百寶裝。汪洋苦海水。甘美盡瓊漿。呻吟愁嘆聲。天樂韻悠揚。

老死貧病苦。福德妙吉祥。娑婆變淨土。大同安樂鄉。衆生皆成佛。如來

壽無量。

### 舍宅田爲觀音菴開創邳縣大同村福田院發願文

我自離鄉井。於茲十一年。慈親既下世。萬念都棄捐。少小負奇氣。高文出蒼天。中歲乃聞道。華髮忽生顛。值此離亂歸。桑梓盡創癩。村落何所見。炮樓棊勢連。以知殺業重。冤孽互糾纏。南過睢寧縣。車夫指樹邊。一村五十口。燒殺化蒼烟。邳紳被匪劫。索銀用火煎。是名請菩薩。強化觀音緣。此俗諺也、可謂強迫人行菩薩道矣、匪亦行布施。大散貧民錢。今年值熟歲。斗粟價二千。貧民良甚苦。十家五不饘。顧聞官湖市。魚皮八百圓。吾鄉官湖市、十年前、每年魚皮售價才四十元、今竟進化至此賭酒服文綵。乃克相周旋。盜夸習成俗。爭殺因果然。胡乃憂土匪？上下涕淪漣。無禮賊民興。聖教自古傳。老子曰、廷甚除、田甚蕪、倉甚虛、服文綵、帶利劍、厭飲食、財貨有餘、是謂盜夸、

炮樓終何益？劫掠遍吾村。鄰里戚族面。時見傷癍痕。我家受炮擊。牛斃馬無存。我母幸奔脫。病悸緣驚魂。猶增修炮樓。每每理田園。樓成母已逝。長埋在東原。我來拜阿母。不復識家門。白犬迎客吠。鄰里指邱藩。感此傷我心。對樓復何言。

我昔甘貧賤。助母即田功。破屋如漏罩。晴日零雨濛。妹時尚幼、常言吾瘦猶下、外面晴天室內雨也。耕讀依膝下。其樂何融融。今來不見母。倚樓呼天窮。門庭都變易。

塲園大不同。隨母所臥牀。久已付冬烘。阿爺教讀屋。今爲芍藥叢。祖母飯我室。雞糞支隆穹。驪貓我最愛。頭滑朶頤豐。今貓黃且瘦。見我心忡忡。門前小槐樹。亭直聳高空。弟妹嬉遊地。不見櫻花紅。東南一株杏。味酸枝如弓。昔隨母杏下。今惟草青葱。園中有塘窪。今已施人工。東汪釣

魚堰蕭蕭蘆荻叢。伯叔門戶改。出入新兒童。園南傷心處。松林號悲風。  
隔墳喚阿母。泣血終耳聾。我身果何物。母胎氣血充。母既化泉壤。我竟  
何依憑。況爲名利奴。趨趨草頭螽。母現圓寂身。恍然醒我悞。泡影露電  
法。念此耳自聰。觀破無常苦。人生類轉蓬。誰止閻羅使。不到王侯宮。父  
母且幻相。萬事真沙蟲。茫茫生死海。此路誰能通。

我念昔賢人。報恩靡不至。王維白香山。皆舍宅爲寺。迴向佛功德。懺悔  
夙業累。願冥資亡人。輪迴永遠避。淨土享極樂。花開受佛記。東坡爲眷  
屬。繡佛修福利。顏黃門家訓。遺囑作佛事。此皆古先達。深知報恩義。矧  
我少孤貧。諸惟母所庇。田宅及車牛。一一母手置。兄弟各自立。安用損  
其志。鄧通擁錢山。亞夫漢將帥。相若當餓死。豈關金張位。戚族多鰥寡。

零丁苦無寄。叔嬸表姪行。表妹攜童穉。施田撫孤孀。推恩承遺意。我幼侍嬸母。憂貧常涕泗。今成模範村。聊以錫吾類。詢謀弟與婦。僉同無二致。化家作佛廟。雞犬皆祥瑞。炮樓誦佛經。可憐爭殺崇。立碑垂來許。此業永不墜。寧效付惡兒。轉瞬無一簣。枉自作牛馬。不留三日思。堂塑觀音像。相好三十二。蓮花應念生。光明廣覆被。見聞發慈心。涕泣含悲淚。令我大同村。從茲絕詬詈。老幼善男女。隨善增福智。木魚念佛聲。聲聲徹十地。以此迴向力。我願早成遂。廣報父母恩。解脫無倫比。我願在何許？願生極樂家。冬夏無寒暑。四季寶蓮花。化生如意身。十方飛彩霞。免投穢胎獄。無數認娘爺。況且五濁世。捶罵惡相加。不認互父母。都由肉眼差。須知家性空。白日易西斜。八苦日夜逼。爭殺枉紛拏。父



母且幻相。何事可矜誇。了知家性空。布施長金沙。家家施福田。仁里徧  
天涯。人居模範村。食棗大如瓜。天下行十善。大地淨無瑕。福報難思議。  
黃金姿榮奢。壽命八萬歲。舉足七寶葩。世界成琉璃。無土石陵窪。人身  
悉美好。無醜陋瘡痂。肌膚靚光潔。無便穢痰癩。寶樹揚妙樂。無荆棘兼  
葭。化禽演佛音。無猛蟲毒蛇。衣食隨意致。安用啖腥犯。解脫大歡喜。誰  
復知歎嗟。衆生齊成佛。同證妙蓮華。

927295-

卷九刊誤表

十二頁八行小字柏

改拍

三十六頁七行鳥滿魯了

改速門魯魯



A541 212 0011 89248

民國十七年仲春初版

學海觀詩卷九定價紙裝大洋二角一分

著者 劉仁航 靈華

上海法界四門路仁吉里二十七號

出版者 天養 李雲俠 游韶斌

校者 張明慈 儲皖峯

印刷者 顧作則 友文 印刷所

寄售處 各埠各大書坊

樂天却病詩小冊價目列下

動物觀 一角六分 坤乾觀 二一角七分 自然觀 三一角一分 玄化觀 四一角三分

夢觀 五一角一分 社會觀 六九分 歷史觀 七一角一分 新村觀 八一角四分

學海觀 九二角二分 報恩觀 十一角一分 師友觀 十二角二分 詩化觀 十二二角一分

美藝觀 十三一角二分 桃源友聲集 十四二角

版權所有

~~g 27295~~